

g700

1909

334.5

P-27

БИБЛИОТЕКА
Главнаго Управленія
по дѣламъ печати.

ЧЛЕНЪ УЧРЕЖДЕНІЯ

БАНКОРЪ

УСТАВЪ

УСТАВЪ

Кооператива БАНКОРЪ

(68)

334.5

Р-27

БАНКУ

А. Н. Тараева

Д. Мирзаянцъ

1909

2001

Р

2010

Ընկերության նպատակը, իրաւունքներն ու պար-
տականութիւնները:

§ 1. Բանւոր սպառող ընկերութիւնը, հիմ-
նելով Բազմի քաղաքապետութեան շրջանում,
նպատակ ունի նախ առօրեայ պիտոյքներ ու
մթերք հայթայթել իւր անդամներին, էժան կամ
շուկայիչափաւոր գներով և երկրորդ՝ հնարաւո-
րութիւն տալ նրանց, որ ընկերութեան գործա-
ռութիւնից գոյացած օգտից իրանց համար խնա-
յոգութիւն անեն:

Նկատ. Ընկերութիւնը, պատշաճաւոր
թոյլաւորեամբ ու գոյութիւն ունեցող
օրէնքների համաձայն, կարող է կազմակեր-
պել այնպիսի հիմնարկութիւններ, որոնց
նպատակը պիտի լինի, զանազան միջոցնե-
րով բարւոքել իւր անդամների նիւթական
ու բարոյական վիճակը:

§ 2. Առաջին յօդածում՝ որոշւած նպա-
տակի համաձայն, Ընկերութիւնն իրաւունք ունի՝
ա) կառուցել սեպհական, պահեստներ ու

գործարաններ, զանազան առօրեայ պիտոյքներ պատրաստելու և պահելու համար, կամ թէ չէ կապալով վերցնել այդ շինութիւնները:

բ) պայմանագրեր ու պարտաւորութիւններ կապել կողմնակի անձանց ու հիմնարկութիւններին հետ, որպէս զի սրանք զանազան պիտոյքներ ու մթերք հայթայթեն ընկերութեանը, և նմանապէս մուրհակներ տալ ընկերութեան շրջանառութիւնների համար միջոցներ ձեռք բերելու:

գ) Ընկերութեան համար անհրաժեշտ սեփական անշարժ կայքեր ձեռք բերել, ընդհանուր հիմունքների վրայ և

դ) Պատշաճաւոր թոյլաւութեամբ, այնպիսի ձեռնարկութիւնների մէջ մտնել, որոնք համապատասխանում են ընկերութեան նպատակներին:

§ 3. Ընկերութեան անդամներին, ապրանքներն ու մթերքները ծախում են կանխիկ փողով կամ թէ չէ ապառիկ, որով օգտւելու պայմանները որոշում է ընդհանուր ժողովը:

Նկատ. Այս յօդւածում յիշւած ապրանքները, կարելի է ծախել և կողմնակի մարդկանց, բայց միայն կանխիկ փողով և այն էլ ընդհանուր ժողովի որոշած պայմաններով:

§ 4. Ընկերութիւնը, նրա հաստատութիւն-

ները, գրասենեակներն ու գործակալները, դասական աւերքի, մաքսերի և առևտրական իրաւանց հարկերի, գրօշմաթղթի և այլ ընդհանուր ու տեղական հասոյթների վերաբերեալ, ենթարկւում են թէ ընդհանուր և թէ ընկերութեան ձեռնարկութեանց մասին, այն բոլոր կանոններին ու որոշումներին, որոնք գոյութիւն ունին այժմ կայսրութեան մէջ և որոնք ապագայում կը հրատարակեն զրանց վերաբերեալ:

§ 5. Ընկերութիւնն ունի իւր անունով փորագրւած կնիք:

Ընկերութեան միջոցներ:

§ 6. Ընկերութեան միջոցները կազմում են՝ շրջանառու և պահեստի գրամագլուխները:


§ 7. Շրջանառու գրամագլուխը գոյանում է՝ ա) իրաւագրամներից (§ 13)

բ) անդամների բաժիններից (§ 13), և

գ) այն փոխառութիւններից որն անում է վարչութիւնը, Ընդհանուր ժողովի որոշած չափով:

Նկատ. Ընկերութեան պարտքերի գումարը, իրաւագրամների և բաժնեկազմ գրամագլուխների գումարից չպէտքէ աւելանայ:

§ 8. Շրջանառու գրամագլուխը ծառայում է՝ Ընկերութեան առևտրական գործառութիւնների և ընթացիկ ծախքերի համար:



50557-ա

36027-66

§ 9. Պահեստի դրամագլուխը գոյանում է՝
ա) Ընկերութեան տարեկան շրջանառու-
թիւնից գոյացած օգտի մի մասից (§ 55),

բ) Ընկերութեան կանոնադրութեան ու հաշ-
ւետետրերի վաճառումից եկած գումարից (§ 15)

գ) օգուտը բաժանելու ժամանակ առաջ ե-
կած կոպէկների կոտորակներից, որոնք ետ են
զցւում (նկատ. § 55)

դ) պահեստի դրամագլխի տոկոսներից (§-
11) և

ե) պատահական մուտքերից:

§ 10. Պահեստի դրամագլուխը բացառապէս
յատկացւում է. այն փնտնները ծածկելու հա-
մար որոնք կարող են առաջ գալ ընկերութեան
գործառութեան ժամանակ, չնախատեսուած հան-
գամանքներից:

§ 11. Պահեստի դրամագլուխը, Ընդհանուր
ժողովի որոշմամբ, դարձրւում է պետական
կամ թէ չէ, կառավարութիւնից ապահովեցրած
տոկոսաբեր թղթերի և պահւում է խնայողա-
կան դրամադրկներում, պետական բանկում,
նրա գրասենեակներում ու բաժանմունքներում
կամ թէ չէ, պաշտօնաւոր թոյլաւութեամբ, ար-
քունի գանձարանում: Պահեստի դրամագլուխը
որոշւած նպատակին գործադրել (§ 10) կարելի
է միմիայն Ընդհանուր ժողովի որոշմամբ:

Ընկերութեան կազմը և նրա անդամների իրա-
ւունքներն ու պարտականութիւնները:

§ 12. Ընկերութեան անդամ կարող են լի-
նել բոլորը, առանց սեռի խտրութեան, բանւոր-
ներ ու արհեստաւորներ, նմանապէս և ամեն տե-
սակ ընկերութիւններ, հիւանդանոցներ ու դպ-
րոցներ՝ — որոնք ցանկութիւն կյայանեն այս
կանոնադրութեանը հպատակւելու:

Նկատ. 1 Անդամների թիւը անսահմա-
նափակ է:

Նկատ. 2. Ընկերութեան կազմի մէջ
չեն ընդունւում՝

ա) դպրոցի սաները

բ) ծառայութեան մէջ գտնւող ստորին զին-
ւորականները և

գ) գատարանով, իրաւունքներից զրկւած
անձինք:

§ 13. Ընկերութեան անդամ դրւողը տա-
լիս է՝

ա) երեսունը հինգ կոպէկ միանւագ իրա-
ւագրամ ու

բ) տասը րուբլի.-բաժին:

Նկատ. բաժինը բարելի է միանգամից
վճարել, կամ թէ չէ մաս-մաս, Ընդհանուր
ժողովի որոշած յապաղումներով:

§ 14. Թէ իւրաքանչիւր անդամ քանի բա-

ժին կարող է ունենալ, այդ որոշում է Ընդհանուր ժողովը:

§ 15. Ընկերութեան մէջ ընտրւող իւրաքանչիւր նոր անդամը, գրեւիս, ստանում է մի մի օրինակ այս կանոնադրութիւնից ու հաշւետեար, վճարելով Ընդհանուր ժողովի հաստատած արժէքը: Հաշւետեարի մէջ գրւում են անդամի տւած տուրքերը, նրան բաց թողած ապրանքի արժէքը, իրան հասանելիք բաժինների վրայ հաշւած շահամասերն ու գնած ապրանքի համար ստանալիք նւէրը, նմանապէս և զրամարկից ստացւած գումարները:

Նկատ. Ընկերութիւնը պահում է առանձին գրքեր, անդամների անձնական հաշիւներով, որպէսզի զրանց միջոցով կարելի լինի որոշել, թէ իւրաքանչիւր անդամ, տարւան ընթացքում ինչ գումարի ապրանք է գնել Ընկերութեան խանութից:

§ 16. Իւրաքանչիւր անդամ, Ընկերութեան Ընդհանուր ժողովներում, միմիայն մի ձայնի իրաւունք ունի, անկախ իւր բաժինների թւից և այդ իրաւունքը նա ոչ ոքի չի կարող տալ:

Նկատ. 1. Ընկերութեան անշափահաս անդամները ձայնի իրաւունք չունին և չեն էլ կարող որեւէ պաշտօնով ընտրւել, ընկերութեան գործերի կառավարչութեան վերաբերեալ:

Նկատ. 2. Այն անդամները, որոնք անմիջապէս շահագրգռւած են Ընկերութեան գործերին վերաբերեալ որեւէ հարցում (օր. միեւրբ հայթայթելու, բնակարանի վարձման և առևտրական այլ համաձայնութիւնների) չեն մասնակցում նրանց վճուման ժամանակ:

§ 17. Բաժնետէրերը, Վարչութեան գիտութեամբ կարող են իրանց բաժինները փոխադրել ընկերութեան այլ անդամների կամ թէ կողմնակի անձանց վրայ, որոնք գրկւած չեն անդամ լինելու իրաւունքից: Այն դէպքում երբ բաժինը փոխադրւում է կողմնակի մարդու վրայ, այն ժամանակ վերջինս պարտաւոր է նոր իրաւագրամ մտցնելու:

Նկատ. Ընկերութեան թէ կամաւոր հեռացող և թէ արտաքսւող անդամները, յետ չեն ստանում իրանց իրաւագրամները:

§ 18. Վնասների դէպքում, իւրաքանչիւր անդամ, պատասխանատու է միմիայն իւր՝ ընկերութեան զրամարկից ունեցած, բաժնեկազմ զրամադրով, զրանից դուրս՝ նա ոչ անձնական պատասխանատուութեան է ենթարկւում, ոչ էլ ընկերութեան գործերի վերաբերեալ որ և է լրացուցիչ պարտաւորական վճարումների:

§ 19. Այն անդամը, որը չի վճարում ընկերութեան զրամարկին, իւր տալիքները (§ 3 և 13), կարող է, վարչութեան առաջարկութեամբ,

ընդհանուր ժողովի միջոցով, արտաքսուել ընկերութիւնից:

§ 20. Ընկերութեան անդամութիւնից արտաքսուելու առիթ կարող է լինել, բացի վճարումների գանցառութիւններից, նմանապէս և կանոնադրութեան կոպիտ խախտումը, կամ թէ չէ ընկերութեան շահերին վնասելը:

§ 21. Անդամների արտաքսումը կարող է կայանալ միմիայն ընդհանուր ժողովին ներկայ անդամների ձայների ²/₃-ի վճռով (§ 31) և բացի դրանից, ժողովը արտաքսողի ցանկութեամբ պարտաւոր է նախապէս լսել, նրա բոլոր արդարացնող բացատրութիւնները:

§ 22. Թէ արտաքսած և թէ կամաւոր հեռացող անդամները, նմանապէս ընկերութեան գրամարկդում մի քանի բաժին ունեցողները, գրաւոր յայտարարութիւն տալով Վարչութեանը, կարող են յետ ստանալ Վարչութիւնից, իրանց բաժինները շահամասերով ու գնած ապրանքի համար հաշւած նւէրի հետ, նոյնպէս և իրանց կիսատ բաժինները, միմիայն այն ժամանակ, երբ ընդհանուր ժողովի կողմից կհաստատուի ընթացիկ տարւայ հաշւետւութիւնը և երբ գրանք կվերջացնեն իրանց բոլոր հաշիւներն Ընկերութեան հետ և կը վճարէն այն վնասները, որոնք կարող են ընկնել այդ հանուղ և հեռացող բաժինների վրան: Վճարման ժամանակամիջոցը նշա-

նակում է Ընդհանուր ժողովը, սակայն այդ ժամանակամիջոցը, հաշւետւութեան հաստատման օրից, աւելի քան երեք ամիս չպէտք է տևի:

§ 23. Թէ կամաւոր հեռացող և թէ իրանց ապառիկները ուշացնելու համար արտաքսւած անդամները, կարող են նորից ընդունուել ընկերութեան մէջ սակայն 13-դ յօդւածի համաձայն, պէտք է կանխապէս վճարեն, պարտադիր բաժինն ու իրաւադրամը: Իսկ այլ պատճառով արտաքսւածները ոչ մի գէպքում չեն ընդունուում նորից ընկերութեան մէջ:

Նկատ. Անկանոն վճարումների համար արտաքսւած անդամները, նորից ընդունուելու ժամանակ, բացի վերոյիշեալից, պարտաւոր են վճարելու իրանց վրայ մնացած պարաքերը:

§ 24. Անդամի մահւան գէպքում, նրան պատկանող բաժինները, շահամասերն ու գնած ապրանքի համար տալիքները տրւում են նրա ժառանգներին՝ նոյն հիմունքների վրայ, ինչպէս կամաւոր հեռացող անդամներին (§ 22).

Ընկերութեան գործերի կառավարչութիւնը

§ 25. Ընկերութեան գործերը վարում են՝
ա) անդամների Ընդհանուր ժողովը, — ու
բ) Վարչութիւնը.

§ 26. Ընդհանուր Ժողովն իրաւունք ունի եթէ անհրաժեշտ է գտնում, վարչութեան կից ընտրել Խորհուրդ, որի գործնէութեան եղանակը որոշւում է Ընդհանուր Ժողովի հաստատած հրահանգներով:

§ 27. Ընդհանուր Ժողովները լինում են հերթական և արտակարգ: Վարչութիւնը հերթական Ժողովներ հրաւիրում է ամեն տարի, ապրիլ ամսից ոչ ուշ: Այս Ժողովը քննում և հաստատում է անցած տարւան հաշիւն ու հաշեկշիւը, ներկայ տարւան նախահաշիւն ու գործունէութեան ծրագիրը, նմանապէս և ընտրում է Վարչութեան ու վերաքննիչ Յանձնաժողովի անդամներ (§ 53): Այս Ժողովներում են քննւում ու վճռում այն բոլոր հարցերը, որոնք Վարչութեան իրաւասութիւնից վեր են և այն հարցերը, որոնք առաջարկւած են Վարչութեան կողմից:

Նկատ. Ընկերութեան անդամներից ոչ ոք իրաւունք չունի առանց յարգելի պատճառների, հրաժարւել, Ընդհանուր Ժողովի կողմից, իւր վրայ դրած պարտականութիւնների կատարումից:

§ 28. Արտակարգ Ընդհանուր Ժողովները հրաւիրւում են Վարչութեան հայեցողութեամբ, վերաքննիչ յանձնաժողովի կամ թէ չէ ընկերու-

թեան բոլոր անդամների մի տասներորդի պահանջով: Ընկերութեան անդամների կամ վերաքննիչ յանձնաժողովի կողմից, արտակարգ Ժողով հրաւիրելու այս պահանջը, Վարչութիւնն իրագործում է, իրան աւած յայտարարութեան օրից ոչ ուշ քան երկու շաբթում:

§ 29. Ընդհանուր Ժողովն, այս կանոնադրութեան համաձայն, վճռում է ընկերութեան գործերի վերաբերեալ բոլոր հարցերը. բայց նրա անմիջական իրաւասութեանն են ենթարկւում հետեւեալ տնօրինութիւնները՝. Որոշել Ընկերութեան գործառութեան չափն ու առարկաները, ընկերութեան համար անշարժ կայքեր—ձեռք բերելն ու սեփական կայքերի վաճառումը, կապալով տալն ու դրաւ դնելը նմանապէս և ձեռնարկութեան ընդարձակումը: Ձեռնարկութեան ընդարձակման կամ թէ անշարժ կայք ձեռք բերելու դէպքում, Ընդհանուր Ժողովը պէտքէ որոշի դրանց վրայ արւած ծախքերի ծածկելու միջոցը: Ընդհանուր Ժողովը պէտք է վճռի նմանապէս և այն բոլոր հարցերը, որոնք առաջարկւում են՝ Վարչութեան, վերաքննիչ յանձնաժողովի, ընկերութեան առանձին անդամների, քաղաքապետի և ներքին գործոց նախարարի կողմից:

§ 30. Վարչութիւնը, ընկերութեան իւրաքանչիւր Ժողովի տեղի, ժամանակի, նոյնպէս և քննութեան առնելիք հարցերի մասին, նախօրօք յայտնում է անդամներին: Վարչու-

Թիւնն այդ մասին նմանպէս տեղեկացնում է ոստիկանութեան գլխաւորին և ընկերութեան հաստատութիւններում յայտարարութիւններ է կախում:

Նկատ. Ընդհանուր ժողովներում կարող են քննել միմիայն այն հարցերը որոնք նշանակւած են ժողովի հրաւիրաթղթերում, որոնք անմիջական առնչութիւն ունեն ընկերութեան կանոնադրութեամբ որոշւած գործունէութեան հետ և որոնց մասին զեկուցւած է տեղական ոստիկանութեան գլխաւորին:

§ 31. Ընդհանուր ժողովները կայացած են համարւում այն դէպքում, երբ ժողովին ներկայ է վարչութեան պաշտօնավայրում ապրող անդամների մի հինգերորդ մասը: Իսկ եթէ հարկաւոր է վճռել՝ որեւէ անդամի ընկերութիւնից հեռացնելու, ձեռնարկութեանց լայնացման, շրջանառու գրամագլխի մեծացման կամ քչացման, կանոնադրութեան լրացման կամ փոփոխութեան ու ընկերութեան կազմալուծման հարցերը, այն ժամանակ անհրաժեշտ է ընկերութեան բոլոր անդամների երկու-հինգերորդ մասի ներկայութիւնը: Ընդհանուր ժողովներում հարցերը վճռւում են ժողովականների ձայների մեծամասնութեամբ, բացի այս յօդւածում յիշւած հարցերից, որոնց որոշման համար, անհր-

աժեշտ է ժողովականների ձայների երկու երրորդ մասը: Երբ հարցերը վճռւում են ձայների հասարակ առաւելութեամբ և հաւասար ձայներ են ստացւում, այն ժամանակ ընդունւում է այն կարծիքը, որի հետ համաձայն է նախագահը:

Նկատ. 1. Ընդհանուր ժողովներում բոլոր ընտրութիւնները (§ 36 և 53) նմանապէս և է որեւէ անդամի արտաքսումը 21-դ յօդւածի հիման վրայ, կատարւում են գաղտնի քւերկութեամբ: Մնացած դէպքերում ձայնաւութեան եղանակը որոշում է Ընդհանուր ժողովը:

Նկատ. 2. Երբ Ընդհանուր ժողովը, այս յօդւածում պահանջւած պայմանների հետևողութեամբ, հաստատի, այս կանոնադրութեան փոփոխութեան կամ լրացման մասին արւած առաջարկութիւնները, այն ժամանակ այդ առաջարկութիւնները ներկայացրւում են կառավարութեանը ի հաստատութիւն, որոշւած կարգով, այն պատճառների ու նկատառութիւնների բացատրութեամբ որոնք զրգել են այդպիսի փոփոխութիւններ մտցնել կանոնադրութեան մէջ:

§ 32. Եթէ անդամների օրինական թւի բացակայութեան պատճառով առաջին ժողովը չը

կայացաւ, այն ժամանակ ամենաշուտը մի շաբթից յետոյ երկրորդ անգամն է Ընդհանուր ժողով հրաւիրւում: Այս երկրորդ ժողովն, անկախ ժողովին եկած անդամների թւից, համարւում է օրինաւոր կայացած և նրա որոշումները վերջնական, սակայն այդ մասին վարչութիւնը պարտաւոր է հրաւիրաթղթերում նախօրօք րդ-գուշացնել անդամներին: Այս երկրորդ ժողովում պէտք է քննեն միմիայն այն հարցերը, որոնք նշանակւած են եղել առաջին ժողովի համար, բայց անվճիռ են մնացել: Միայն, այս դէպքում, նախընթաց յօդւածում առանձին յիշատակւած հարցերը վճռւում են ներկայ ժողովականների ձայների երկու երրորդ մասի առաւելութեամբ, իսկ մնացեալ հարցերը, ձայների հասարակ մեծամասնութեամբ: Ընդհանուր ժողովի որոշումները պարտադիր են բոլոր թէ ներկայ և թէ բացակայ անդամների համար:

§ 33. Այն հարցերը որոնք Ընդհանուր ժողովի քննութեան առարկայ պիտի լինին, ստացւում են անպայման վարչութեան միջոցով, ուստի Ընդհանուր ժողովին որեւէ առաջարկութիւն անել ցանկացող անդամները, պարտաւոր են զբաւոր կերպով այդ մասին դիմել վարչութեանը, Ընդհանուր ժողովից եօթ օր առաջ: Եթէ առաջարկութիւնն արւած լինի ընկերութեան բոլոր անդամների մի տասներորդ մասի կողմից,

այն ժամանակ վարչութիւնը պարտաւոր է այդ առաջարկութիւնը ներկայացնել կայանալիք Ընդհանուր ժողովին իրա նկատողութիւնների հետ միասին:

§ 34. Ընդհանուր ժողովում, գործերը կանոնաւոր վարելու համար, անդամներն ընտրւում են իրենց միջից նախագահ, իսկ արձանագրութիւններ կազմելու համար՝ քարտուղար: Մինչև նախագահ ընտրելը, Ընդհանուր ժողովում նրան տեղակալում է վարչութեան նախագահը:

§ 35. Ընդհանուր ժողովի որոշումները հաստատւում են արձանագրութիւններով, որոնք կարգացւում են նիստի վերջում բարձրաձայն և ապա ստորագրւում են ժողովի նախագահի, քարտուղարի, վարչութեան՝ ժողովին ներկայ եղող անդամների և առ սակաւը ընկերութեան ժողովին ներկայ եղող անդամների երեքի կողմից:

Ընկերութեան վարչութիւնը, նրա իրաւունքներն ու պարտականութիւնները

§ 36. Ընկերութեան գործերի անմիջական վարիչն է վարչութիւնը որը գտնւում է Բիբի-ձէյբաթում և բաղկացած է հինգ անդամներից, որոնց ընտրւում է ընդհանուր ժողովը իրա միջից երեք տարի ժամանակով:

Նկատ. 1. վարչութեան անդամ կարող են ընտրւել այն անձինք, որոնք առնւազն մի լրիւ բաժին ունին:

Նկատ. 2. Վարչութեան անդամների թիւը, որոշում է Լնդհանուր ժողովը, ի նկատի ունենալով ընկերութեան առևտրական — արգիւնաբերական գործառութեան չափը (այնպէս որ իւրաքանչիւր բաժանմունքի գործավարման համար կարելի է ընտրել առանձին վարչութեան անդամ)։

Նկատ. 3. Այն անդամները որոնք ապրանք են հայթայթում ընկերութեանը կամ նոյնաանունակ առևտրով են պարապում, նմանապէս նրանք, — որոնք ընկերութեան մէջ գործակատարի պաշտօն ունին, վարչութեան անդամ չեն կարող ընտրուել։

§ 37. Վարչութեան որեւէ անդամի երկարատեւ բացակայութեան ու հիւանդութեան, նոյնպէս նրանցից որեւէ մէկի մահւան դէպքում նրան փոխարինելու համար, Լնդհանուր ժողովը ընտրում է (նոյն հիմքերի վրան ինչպէս և վարչութեան անդամներին), համապատասխան թւով անձնափոխանորդներ, որոնք վարչութեան անդամի պաշտօնավարութեան ամբողջ ընթացքում, օգտուում են այս պաշտօնին յատկացրած բոլոր իրաւունքներովն ու արտօնութիւններովը։

§ 38. Երբ, վարչութեան անդամների և նրանց անձնափոխանորդների սկզբնական ընտրութիւնից յետոյ լրանում է մի տարին, այն ժամանակ,

վարչութեան անդամների ու նրանց անձնափոխանորդների, ժողովով որոշւած մի յայտնի թիւը ամեն տարի հեռանում է՝ նախ վիճակով և ապա պաշտօնի մտնելու աւագութեան կարգով, իսկ հեռացողների տեղը ընտրւում են նոր, վարչութեան անդամներ ու անձնափոխանորդներ։


Նկատ. Վարչութիւնից հեռացող անդամներն ու նրանց անձնափոխանորդները կարող են նորից ընտրուել, եթէ այդ մասին յայտնեն իրանից համաձայնութիւնը։

§ 39. Վարչութեան հեռացած անդամի տեղ պաշտօնավարող անձնափոխանորդը, վարչութեան կազմի մէջ մնում է, մինչև այն ժամանակամիջոցի վերջը որով ընտրւած է եղել հեռացած անդամը, բայց ոչ աւելի այն ժամանակամիջոցից որով ընտրւած է ինքը անձնափոխանորդը։

§ 40 Վարչութեան անդամներն ամեն տարի, տարեկան Լնդհանուր ժողովից յետոյ ընտրւում են իրանց միջից նախագահ, նրա փոխանորդը, գանձապահ ու քարտուղար։

դկատ. Քարտուղարի և գանձապահի պաշտօնը կարող է վարել միևնոյն անձնաւորութիւնը։

§ 41. Վարչութեան անդամները, ընկերութեան գործերը վարելու աշխատանքի համար,



կարող են ստանալ, Լնդհանուր ժողովի որոշմամբ, մի յայտանի ռոճիկ կամ թէ չէ, ընկերութեան օգուտներից տոկոսային վարձատրութիւն:

§ 42. Վարչութիւնը անօրէն է ընկերութեան բոլոր գործերի ու դրամագլուխների: Նրա պարտականութիւններն են նմանապէս՝

ա). տալ, ընդունել և պահել տոկոսաբեր թղթերը, Լնդհանուր ժողովի սահմանած կարգով:

բ). Պահել գործառութեան հաշւապահութիւնը, վարել հաշիւները, կազմել 51—53 յօդւածների հիման վրայ, տարեկան հաշիւը հաշւեկշիւը, նախահաշիւն ու գործունէութեան եզրանակը:

գ). Վարձել և արձակել ընկերութեան համար անհրաժեշտ ծառայողներ, նշանակել նրանց ռոճիկներն ու պարապմունքը:

դ). Գնել, ծախել, պահել զանազան մթերք ու ապրանքներ և հսկել զրանց լաւորակութեան վրայ:

ե). Որոշել հոգացելիք ապրանքի որակն ու նրանց ձեռք բերելու ձևը (ապառիկ թէ կանխիկ փողով):

զ). Կազմակերպել ընկերութեան ձեռնարկութիւններն ու կառավարել զրանք:

է). Միջոցներ ձեռք առնել, լաւ մթերքներ

ու ապրանք պահելու և էժան գնով ծախելու:

ը). Վարձել՝ մթերանոցներ, սենեակներ և ընկերութեան առևտրի համար, այլ անհրաժեշտ բնակարաններ:

թ). ապահովագրել ընկերութեան կայքերը:

ժ). Տալ և ընդունել ժամանակը լրացած մուրհակներ և այլ ժամորոշ պարտաւորութիւնները, առանց դուրս գալու Լնդհանուր ժողովի հաստատած սահմաններից:

ի). պայմանագրեր կապել և համաձայնութիւններ կայացնել, ընկերութեանը ապրանքներ հայթայթելու համար:

լ). Հաւատարմագրեր տալ այն անձանց, որոնց ընդունել է Վարչութիւնը ընկերութեան ծառայութեան մէջ, մինչև անգամ և նրանց, որոնց Լնդհանուր ժողովը է պաշտօնի նշանակել:

կ). Վաւերացնել տալ անշարժ սեփականութեան գնման կամ վաճառման օրինական գործողութիւնները:

ծ). Ընդունել ընկերութեան նորամուտ անդամներին:

կ). Լնդհանուր ժողովի հրաւիրել ընկերութեան անդամներին և առհասարակ անօրինել ու վարել ընկերութեան վերաբերեալ բոլոր գործերը, առանց դուրս գալու Լնդհանուր ժողովի ուրագծած սահմաններից:

Վարչութեան գործելակերպը, նրա իրաւունքների սահմանն ու պարտականութիւնները որոշուած են առանձին հրահանգներով, որը հաստատուած ու փոփոխուած է միմիայն Լնդհանուր ժողովի կողմից:

§ 43. Վարչութիւնը, ծախքերը կատարում է, իւրաքանչիւր տարի Լնդհանուր ժողովի կողմից հաստատուած նախահաշւի համաձայն: Ժողովը պէտք է որոշի, թէ վարչութիւնը, նախահաշւից դուրս, ինչքան գումար կարող է մսխել, անյետաձգելի պարագաներում: Վարչութիւնը, այդ տեսակ ամեն մի ծախքի մասին, պէտք է մօտակայ Լնդհանուր ժողովի հաւանութիւնը հարցնի:

§ 44. Վարչութիւնն առանձնապէս աշխատում է, որ ընկերութեան շրջանառու գրամագլուխը առանց գործառութեան չը մնայ: Այդ նպատակով, Վարչութեան անդամները հետեւելով արեւորին, նկատողութիւններ են կազմում, ընկերութեան պահեստներում չեղող ապրանքների պահանջի մասին, և ազատ փողերն անմիջապէս գործադրում են այդ չեղող ապրանքները ձեռք բերելու համար: Իսկ եթէ հանգամանքներին նայած, նկատուած է որ ապրանք առնելը տարադէպ է և ոչ ձեռնտու, այն ժամանակ ազատ փողերը դարձրւում են տոկոսաբեր թղթեր, կամ թէ Լնդհանուր ժողովի հաւանութեամբ, տե-

ղաւորուած են ընթացիկ հաշուով, տեղական վարկատու հիմնարկութիւններից որեւէ մէկում:

§ 45. Ընկերութեան հաստատութիւններից ապրանքները պէտք է ծախեն ստանց հարցումների ու սակարգութեան, բոլորին միեւնոյն գնով. դրան խստիւ հսկում է Վարչութիւնը: Բոլոր ապրանքները սահմանած գնով ծախելու համար, Վարչութիւնը պատրաստում է սակագիր, որը վաւերացրւում է վարչութեան անդամների ստորագրութեամբ և կախուած է ընկերութեան հաստատութիւններում մի աչքի ընկնող տեղ: Եթէ ապրանքների շատութեան ու բազմատեսակութեան պատճառով, սակագիր պատրաստելը անյարմար է, այն ժամանակ գները նշանակուած են ուղղակի ապրանքների վրան:

§ 46. Ընկերութեան գործերի վերաբերեալ գրագրութիւնները կատարւում են Վարչութեան անունից, նախագահի կամ թէ չէ Վարչութեան անդամներից որեւէ մէկի ստորագրութեամբ:

§ 47. Սակայն՝ մուրհակները, հաւատարմագրերը, պայմանաթղթերը, գնման վաւերաթղթերն ու այլ փաստաթղթերը, նմանապէս վարկային հաստատութիւններից ընկերութեան գումարների յետ ստանալու պահանջները, անպայման պէտք է ստորագրուեն Վարչութեան անդամների առնւագն կէսի կողմից: Փոստից՝

գումարներ, կապոցներ ու զանազան վկայաթղթեր ստանալու համար, բաւական է, որ Վարչութեան անդամներից մէկն ստորագրէ և Ընկերութեան կնիքով վաւերացնի:

§ 48. Վարչութիւնը ժողովուում է հարկ եղած դէպքում, բայց յամենայն դէպս, առնւազն ամիսը մէկ անգամ, անդամների փոխադարձ համաձայնութեամբ նշանակւած օրերին, որի մասին տեղեկացնում են Ընկերութեան անդամներին: Վարչութեան նիստերին, Ընդհանուր ժողովի թոյլտւութեամբ, կարող են ներկայ լինել և Ընկերութեան անդամները, սակայն առանց վճռական ձայնի: Վարչութեան որոշումների վաւերականութեան համար, անհրաժեշտ է Վարչութեան անդամների մեծամասնութեան ներկայութիւնը:

Վարչութիւնը կազմում է իւր նիստերի արձանագրութիւնները, որոնք ստորագրւում են բոլոր ներկայ եղող անդամների կողմից:

§ 49. Վարչութեան որոշումները կայանում են ձայների մեծամասնութեամբ, իսկ երբ ձայները հաւասար են, այն ժամանակ վիճելի հարցի վերջնական որոշումը թողնւում է Ընդհանուր ժողովի հայեցողութեանը: Ընդհանուր ժողովին են ներկայացրւում և այն բոլոր հարցերը, որոնց վերաբերեալ, Վարչութիւնը կամ վերաքննիչ յանձնաժողովը անհրաժեշտ են համա-

րում Ընկերութեան անդամների ընդհանուր մասնակցութեամբ գործելու, նմանապէս և այն հարցերը, որոնք կանոնադրութեան և Ընդհանուր ժողովի հաստատած հրահանգների հիման վրայ, Վարչութեան իրաւասութիւնից դուրս են:

Նկատ. եթէ Վարչութեան որոշման հետ չհամաձայնուող անդամը, պահանջում է որ իւր անհամաձայնութիւնը արձանագրութեան մէջ մտցուի, այն ժամանակ նրանից վերանում է կայացած որոշման վերաբերեալ պատասխանատւութիւնը:

§ 50. Վարչութեան անդամները կատարում են իրանց պարտականութիւնները հնդհանուր օրինաց ու այս կանոնադրութեան որոշումների հիման վրայ, իսկ՝ օրինազանց տնօրինութիւնների, պաշտօնի սահմաններից ելնելու, անգործնէութեան, և թէ այս կանոնադրութեան ու թէ Ընդհանուր ժողովի որոշումները խախտելու դէպքում, նոքա ենթարկւում են պատասխանատւութեան, ընդհանուր օրինաց հիման վրայ:

Նկատ. Վարչութեան անդամները կարող են փոփոխւել, Ընդհանուր ժողովի որոշմամբ, և նախ քան նրանց պաշտօնավարութեան ժամանակամիջոցի լրանալը:

Ընկերութեան գործերի հաշւետւութիւնը,
Օգոստի բաժանումն ու շահամասերի հաշուցումը

§ 51. Ընկերութեան գործառութեան տա-

րին հաշուով է յուշարի մէկից մինչև յուշարի մէկը: Վարչութիւնը իւրաքանչիւր անցած տարւան համար կազմում և ներկայացնում է Ընկերութեան անդամների տարեկան հերթական Ընդհանուր Ժողովին, Ընկերութեան գործառութեան, տարեկան մանրամասն հաշիւն ու շրջանառութեան հաշեկշիւը, քննելու և հաստատելու համար:

Նկատ. Տարեկան Ընդհանուր Ժողովից երկու շաբաթ առաջ, Ընկերութեան անդամների համար բացւում են Վարչութեան հաշուապահական գրքերը իրանց բոլոր հաշիւներով, փաստաթղթերով, և հաշիւն ու հաշեկշիւին վերաբերեալ բոլոր բացառութիւններով, — ծանօթանալու համար:

§ 52. Հաշիւը պէտք է մանրամասնօրէն պարունակէ հետևեալ զլխաւոր յօդւածները՝

ա) Շրջանառու և պահեստի գրամագլուխների գրութիւնը.

բ) Հաշիւի ժամանակաշրջանի ընդհանուր ել ու մուտքը.

գ) Ընկերութեան ծառայողների ուժիկի և կառավարչութեան վերաբերեալ այլ ծախքերի հաշիւը.

դ) Ընկերութեան, գոյութիւն ունեցող կայքի և պաշարի հաշիւը.

ե) Ընկերութեան թէ վեր առած և թէ ուրիշներին աւած պարտքերի հաշիւը.

զ) Օգուտների և վնասների հաշիւը. և

ը) զուտ օգուտի հաշիւն ու նրա մօտաւոր բաժանումը:

§ 53. Հաշիւն ու հաշեկշիւը ստուգելու համար, Ընդհանուր Ժողովը մի տարի առաջ, նշանակում է Ընկերութեան անդամներից երեք կամ աւելի հոգուց բաղկացած վերաքննիչ յանձնաժողով, որոնք ոչ Վարչութեան անդամ են, ոչ էլ Ընկերութեան գործերի կառավարչութեան վերաբերեալ որևէ պաշտօն ունին: Այս Յանձնաժողովը հաւաքւում է հետևեալ տարեկան Ընդհանուր Ժողովից ոչ ուշ քան մի ամիս առաջ և վերաքննելով անցած տարւան հաշիւն ու հաշեկշիւը, բոլոր գրքերը, հաշիւները, փաշտաթղթերն ու յաւելւածները, նմանապէս Վարչութեան ու Ընկերութեան բաժանմունքների գործավարութիւնը, և այդ բոլորի մասին կազմելով իւր եզրակացութիւնները, հաշիւ և հաշեկշիւի հետ միասին ներկայացնում է Ընդհանուր Ժողովին: Յանձնաժողովի եզրակացութիւնների համեմատութեամբ, Ժողովը կայացնում է հաշիւ և հաշեկշիւի վերաբերեալ, իւր վերջնական վճիռը: Յանձնաժողովն իրաւունք ունի եթէ հարկաւոր է համարում, կամ Ընդհանուր Ժողովը կարող է նրան յանձնարարել, որ նա այցելէ և քննէ Ընկերու-

թեան ողջ կայքը հենց տեղն ու տեղը, ստուգի տարւան ընթացքում կատարւած առևտրական գործողութիւնները, նմանապէս կայքը պահելու համար արւած ծախքերը, և կատարէ առհասարակ բոլոր անհրաժեշտ հետախուզութիւնները, որպէսզի կարելի լինի եզրակացութիւն գուրս բերել, կատարւած գործառութեաց, ծախքերի և առհասարակ ողջ շրջանառութեան՝ օգտակարութեան, պատեհութեան և նմանապէս դրանց ձեռնտութեան աստիճանի մասին: Վերոյիշեալն ի կատար ածելու համար, Վարչութիւնը պարտաւոր է ամեն տեսակ դիւրութիւններ տալ Յանձնաժողովին: Յանձնաժողովի նախնական քննութեանն է ներկայացրելում և գալիք տարւան նախահաշիւն ու գործնէութեան եղանակը, որոնք Յանձնաժողովը իրանկատողութիւնների հետ միասին ներկայացնում է Ընդհանուր ժողովին: Սրանից անկախ, յանձնաժողովն իրաւունք ունի, իւր կողմից անհրաժեշտ համարւած ղեպքերում, պահանջել Վարչութիւնից, որ արտակարգ Ընդհանուր ժողով հրաւիրւի (§ 28):

Նկատ. Ընկերութեան գործերի քննութիւն կարող է կատարւել և քաղաքապետի կարգադրութեամբ, եթէ նա տեղեկութիւններ է ստանում Ընկերութեան մէջ տեղի ունեցող անկադութիւնների կամ թէ կանոնադրութեան խախտման մասին:

§ 54. Տարեկան հաշիւն ու հաշեկշիւը, Ընդհանուր ժողովում հաստատուելուց, յետոյ երեք-երեք օրինակ ուղարկելում է ներքին գործոց Մինիստրութեան տնտեսական դեպարտամենտին ու Բազլի քաղաքապետին և բացի դրանից ժողովի կարգադրութեամբ, կարող է հրատարակւել պարբերական թերթերում:

§ 55. Երբ հաստատուում է հաշիւը, Ընդհանուր ժողովում, այնուհետեւ տարւայ զուտ օգուտից, այսինքն այն գումարից, որը մնում է բոլոր ծախքերն ու վնասները ծածկելուց յետոյ եթէ մնաց այդպիսի մի գումար դրանից՝ 10%⁰ կցւում է պահեստի դրամագլխին, այդքան էլ բաժինների համար որպէս շահամաս, սակայն այնպէս որ բաժնի իւրաքանչիւր բուրջուն 10%⁰-ից աւել չընկնի: Մնացեալ գումարից, Վարչութեանը տոկոսային վարձատրութիւն տալուց յետոյ, (եթէ միայն այդ որոշւած է Ընդհանուր ժողովի կողմից 41 յօդւածի համաձայն), մնացեալը բաժանւում է Ընկերութեան անդամների մէջ իւրաքանչիւրին համապատասխան, Ընկերութեան խանութից, նրա՝ գնած ապրանքի արժէքի:

Նկատ. 1 Ընդհանուր ժողովն իրաւունք ունի արդիւնքի մի մասը, ծախսել Ընկերութեան անդամների համար օգտակար նպատակների:

Նկատ. 2. Երբ պահեստի տրամագլու-

խը հասնում է բաժնեկազմ գրամագլխին, այնուհետև Ընդհանուր ժողովի որոշմամբ կարելի է դադարեցնել, ընկերութեան օգուտներին: Խոհանարների յատկացնելը պահեստի գրամագլխին: Եթէ պահեստի գրամագլխը պակասում է, այն ժամանակ այդ պարտադիր կցումները վերսկսում են:

Նկատ. 3. Շահամասերը հաշվում են միմիայն լրիւ բաժինների վրայ, այն էլ ամբողջ ամիսների համար:

Նկատ. 4. Անդամներին արելիք շահամասերի կոպէկների կոտորակները ետ են պահւում և աւելացրւում են պահեստի գրամագլխին:

§ 56. Շահամասերը բաժանւում են անդամներին, Վարչութեան հաշիւ՝ Ընդհանուր ժողովում հաստատւելուց յետոյ, երեք ամսուան ընթացքում:

§ 57. Շահամասը, տիրոջ ցանկութեամբ, կարող է մնալ Ընկերութեան գրամարկղում, նոր բաժին կազմելու համար: Նախնիաց յօդւածում յիշւած շահամասերը, եթէ չեն ստացւում իրա ժամանակին, համարւում են նոր բաժիններ կազմելու համար մտած գումարներ:

Նկատ. Երբ անդամի բաժնեկազմ գրամագլխի գումարը, 14-դ յօդւածի համա-

ձայն, հասնում է Ընդհանուր ժողովով հաստատւած չափին, այն ժամանակ, անդամի Ընկերութեան գրամարկղում թողած չափից աւել շահամասի համար տուոս չի արւում:

Ընկերութեան գործերի վերաբերեալ վէճերի քննութիւնը. պատասխանատւութիւն և նրա գործնկութեան դադարումը:

§ 58. Ընկերութեան գործերի վերաբերեալ վէճերը, որոնք տեղի են ունեցել՝ անդամների, նրանց և Վարչութեան անդամների միջև, համարապէս այն վէճերը որոնք տեղի են ունեցել Վարչութեան անդամների միջև, նրանց և Ընկերութեան այլ ընտրեալների ու մասնաւոր անձանց մէջ, վճռւում են՝ կամ Ընդհանուր ժողովում, եթէ վիճող կողմերը համաձայն են դրան կամ թէ չէ քննւում են՝ ընդհանուր դատական կարգով:

§ 59. Ընկերութեան պատասխանատւութիւնը սահմանափակւում է նրան պատկանող անշարժ ու շարժական կալքով և գրամագլխիներով:

§ 60. Եթէ հաշիւները ստուգելուց յետոյ, որ և է չնախատեսւած հանգամանքների շնորհիւ փոս երեան դայ, այն ժամանակ այդ վրնասը ծածկւում է պահեստի գրամագլխից, իսկ

երբ դա բաւականութիւն չարաւ, շրջանառու գրամագլխի անդամների բաժիններէր: Պակասացնելով այդպիսով իւրաքանչիւր բաժնի չափը, այն անդամները որոնք ոչ մի լրիւ բաժին չեն ունենայ, պարտաւոր են ամբողջացնելու իրանց բաժինները, Լնդհանուր ժողովի որոշած ժամանակամիջոցում:

§ 61. Լնկերութեան համար գոյութեան ժամանակամիջոց նշանակւած չէ: Եթէ գործերի ընթացքին նայած, Լնկերութեան փակումը անհրաժեշտ համարւեց, այն ժամանակ նրա գործնէութիւնը դադարում է ընկերութեան Լնդհանուր ժողովի որոշմամբ, նրա երկու, յաջորդական սրտակարգ ժողովներում, եթէ նախ քան երկրորդ ժողովը, առաջին ժողովում պարզաբանւած, Լնկերութեան փակման առիթները վերացած չեն լինի:

Նկատ. եթէ Լնկերութիւնը, հիմնադիրների բացման իրաւունքը ստանալու օրից, մի տարւան ընթացքում, չի սկսում իր գործնէութիւնը, այն ժամանակ նա չկայացած է համարւում:

§ 62. Լնկերութեան գործնէութեան դադարեցման դէպքում, Լնդհանուր ժողովը, իրաւիջից ընտրւում է երեք հոգուց ոչ պակաս, կազմալուծող յանձնաժողովի անդամներ և որոշում է Լնկերութեան գործերի դադարեցման կարգը: Կազմալուծող յանձնաժողովը, ծանուցադրերի և յայտարարութեանց միջոցով հրաւիրւում է Լնկերութեան պարտաւէրներին, միջոցներ է ձեռք առնում նրանց լիակատար բաւարարութիւն տա-

լու համար, կանխիկ գրամի է՝ փոխում Լնկերութեան կայքերը, պայմաններ ու համաձայնութիւններ է կայացնում երրորդ անձանց հետ, Լնդհանուր ժողովի տւած ցուցմունքների հիման վրայ առանց դուրս գալու սահմաններից: Այն գումարները որոնք յատկացւած են պարտաւէրներին գոհացնելու համար, և որոնք անհրաժեշտ են նմանապէս վիճելի պահանջների բաւարարութիւնը ապահովելու համար, կազմալուծող յանձնաժողովի ձեռքով, պարտաւէրների հաշին, մտցրւում են պետական վարկատու հիմնարկութիւններից մէկն ու մէկը: Մինչև այդ, չի կարելի ձեռնամուխ լինել, Լնկերութեան անդամներին գոհացնելու, — համապատասխան Լնկերութեան տրամադրութեան տակ մնացած միջոցների: Կազմալուծող յանձնաժողովը հաշիւներ է ներկայացնում Լնդհանուր ժողովին, նրա որոշած ժամանակամիջոցներում, և դրանից անկախ, դադարումը աւարտելուց յետոյ, ներկայացնում է ընդհանուր հաշիւ:

§ 63. Երբ Լնդհանուր ժողովը հաստատում է կազմալուծող յանձնաժողովի ներկայացրած ընդհանուր հաշիւը (§ 62), այն ժամանակ ընկերութեան անդամներին վերադարձրւում են իրանց բաժինները, շահամասերն ու նւէրները, առաջուց հանելով նրանց վրայ ընկած փասք, եթէ եղել է (§ 63): Իսկ ընկերութեան մնացած կայքը, եթէ մնաց, գործադրւում է հանրօգուտ նպատակների համար, Լնդհանուր ժողովի որոշմամբ, որն ուժ է ստանում քաղաքապետի կողմից հաստատուելուց յետոյ, իսկ քաղաքապետի

անհամաձայնութեան դէպքում, այդ հարցի վերջնական վճռումը, թողնւում է ներքին գործոց Մինիստրի հայեցողութեանը:

§ 64. Թէ գործերի դադարեցումը սկսելու և
թէ վերջացնելու մասին, յաջորդող կառավարչու-
թիւնների պարզաբանութեանց հետ միասին, առա-
ջին դէպքում՝ Վարչութեան, իսկ վերջին դէպքում՝
կազմալուծող Յանձնաժողովի կողմից, գեկուցում
է ներքին Գործոց Մինիստրութեանը քաղաքապե-
տի միջոցով։ Նմանապէս պատշաճաւոր յայտա-
բարութիւններ են տրուում 'ի գիտութիւն Ընկե-
րութեան անդամների և այն անձանց, որոնք առն-
չութիւն ունեն Ընկերութեան գործերի հետ։

§ 65. Եթէ, անկախ քաղաքապետներին ու նահանգապետներին տւած իրաւունքից (Ст. 321 և 863 г. II св. зак. изд. 1892 г. общ. губ. учр.) փակելու հասարակական ժողովները, բըրնրանց մէջ յայտնուում է՝ պետական կարգերի, հասարակական անդորրութեան ու բարոյակա-նութեան հակառակ որեւէ բան, քաղաքապետը անհրաժեշտ է համարում փակելու Ընկերու-թիւնը, այլ պատճառներից զրգւած, այդ դէպ-քում նա ներկայացնում է այդ մասին, ներքին գործոց Մինիստրութեան հայեցողութիւնը:

Նկատ. երբ Լնկերութիւնը փակուում է քաղաքապետի կարգադրութեամբ, այդ դէպքում վերջինիցս է կախում, նշանակել Լնդհանուր ժողովի ժամանակն ու կարգը, Լնկերութեան գործերի դադարեցման հարցը վճռելու համար, կամ թէ չէ անմիջապէս Լնկերութեան անգամներից յանձնաժողով ընտրել, նրա գործերը դադարեցնելու:

Հ 9րմ
5994

2013

ՀՀ Ազգային գրադարան



NL0042679

9780

